

Adresseinformasjon fylles inn ved ekspedering. Se mottakerliste nedenfor.

Adresseinformasjon fylles inn ved ekspedering. Se mottakerliste nedenfor.

Vår dato: 29.07.2014
Vår ref.: 201401394-2
Arkiv: 312/046.4Z
Dykkar dato:
Dykkar ref.:

Sakshandsamar:
George Nicholas Nelson
22 95 92 17 / genn@nve.no

Høyring av søknad om konsesjon til overføring av Vatn 1062 og Vatn 1112 på Pyttafloene til Mauranger kraftverk i Kvinnherad kommune

NVE har motteke søknad om konsesjon frå Statkraft Energi AS til å overføre Vatn 1062 og Vatn 1112 på Pyttafloene til Mauranger kraftverk i Kvinnherad kommune. Søknaden blir sendt på høyring til alle som saka vedkjem. Høyringsfrist er 30. oktober 2014. Bruk gjerne nettsida til NVE når de sender fråsegn.

Vatn 1062 og Vatn 1112 drenerer i dag til høvesvis Øyreselva og Austrepollelva. Statkraft Energi har planar om å overføre vatna til Svartedalsmagasinet. Vatnet kan dermed nyttast i Mauranger kraftverk. Dei to vatna har eit samla nedbørsfelt på 0,45 km², og vil auke produksjonen med omlag 3 GWh/år. Søknaden inneheld mellom anna fagrapportar om hydrologi og miljø.

Søknaden skal handsamast etter reglane i vassdragsreguleringslova § 6. Den blir kunngjort av NVE. Kopi av kunngjeringa ligg ved.

Søknaden med alle vedlegg er tilgjengelege på internettsida til NVE: www.nve.no/vannkraft. Om høyringspartane ønskjer ein papirversjon av søknaden kan dei kontakte Rolf Jenssen på e-post rolf.jenssen@statkraft.com, eller telefon 53 67 30 60.

Vi viser elles til vedlagde informasjonsark som forklarar sakshandsaminga frå søknaden blir sendt på høyring og fram til endeleg vedtak. Av dette går det fram kva vi ønskjer tilbakemelding på.

Vi ber Kvinnherad kommune om å kunngjere saka på sine heimesider, og leggje to eksemplar av søknaden ut til offentleg gjennomsyn i rådhuset i Rosendal fram til 30. oktober 2014. Det eine eksemplaret kan om naudsynt lånast ut for kortare tid (2- 3 dagar). Det andre må ikkje fjernast frå utleggingsstaden. Ein kopi av dette høyringsbrevet med fire eksemplar av søknaden, er sendt kommunen.

Fråsegner sendast gjerne via internett www.nve.no/vannkraft (på sakens side), på e-post til nve@nve.no eller i brev til NVE - Konsesjonsavdelinga, Postboks 5091 Majorstua, 0301 Oslo, så snart som mogeleg og seinast innan **30. oktober 2014**.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Vestre Rosten 81
7075 TILLER

Region Nord
Kongens gate 14-18
8514 NARVIK

Region Sør
Anton Jenssensgate 7
Postboks 2124
3103 TØNSBERG

Region Vest
Naustdalsvn. 1B
Postboks 53
6801 FØRDE

Region Øst
Vangsveien 73
Postboks 4223
2307 HAMAR



Fråsegner eller delar av fråsegner vil bli referert i innstillinga i saka frå NVE til Olje- og energidepartementet (OED). Om fråsegna er lang, er det difor ein fordel om det er utarbeidd eit samandrag som kan brukast til dette. Fråsegner er offentlege dokument. Sentrale saksdokument blir lagt ut på NVE sine nettsider.

Med helsing

Carsten Stig Jensen
seksjonssjef

George Nicholas Nelson
senioringeniør

Dokumentet vert sendt utan underskrift. Det er godkjent etter interne rutiner.

Vedlegg: mottakarliste, kopi av kunngjering, informasjonsark om sakshandsaminga



Mottakerliste:

Direktoratet for Mineralforv. med Bergmesteren for Svalbard
Fiskeridirektoratet Region Vest
FNF Hordaland
Friluftslivets Fellesorganisasjon
Friluftsrådenes Landsforbund v/Bergen og Omland Friluftsråd
Fylkesmannen i Hordaland
Havforskningsinstituttet
Hordaland fylkeskommune
Kvinnherad Energi AS
Kvinnherad kommune
Kvinnherad turlag
Kystverket Vest
Mattilsynet
Miljødirektoratet
Naturvernforbundet Bergen og Hordaland
Norges Bondelag
Norges Geotekniske Institutt
Norges Jeger- og Fiskerforbund
Norges Naturvernforbund
Norges Padleforbund
Norsk Grotteforbund
Sabima Samarbeidsrådet For Biologisk Mangfold
Statens Vegvesen Region Vest
Stiftelsen Bergens Sjøfartsmuseum

Kopi:

Olje- og energidepartementet
Statens Landbruksforvaltning
Statkraft Energi, avd. Eidfjord v/Rolf Jenssen



Noregs vassdrags- og energidirektorat kunngjer

Statkraft Energi - Søknad om konsesjon til overføring av Vatn 1062 og Vatn 1112 på Pyttafloene til Mauranger kraftverk i Kvinnherad kommune

Vatn 1062 og Vatn 1112 drenerer i dag til høvesvis Øyreselva og Austrepollelva. Statkraft Energi har planar om å overføre vatna til Svartedalsmagasinet. Vatnet kan dermed nyttast i Mauranger kraftverk. Overføringane vil auke produksjonen med omlag 3 GWh/år.

Søknaden med alle fagrapportane er tilgjengelege på NVE sin internettside: www.nve.no/vannkraft og er lagt ut til offentliggjennomsyn i Rådhuset i Kvinnherad kommune.

De kan få ein papirversjon av søknaden ved å kontakte Rolf Jenssen i Statkraft Energi på e-post rolf.jenssen@statkraft.com eller på tlf. 53 67 30 60.

Fråsegner sendast gjerne via internett www.nve.no/vannkraft, på e-post til nve@nve.no eller i brev til NVE —Konsesjonsavdelinga, Postboks 5091 Majorstua, 0301 Oslo, så snart som mogeleg og seinast innan **30.oktober 2014**.



SAKSHANDSAMINGSRUTINAR VED SØKNAD ETTER VASSDRAGSREGULERINGSLOVA UTAN KONSEKVENSGREIING

Generelt

Søknaden gjeld eit kraftutbyggingsprosjekt etter vassdragsreguleringslova (reguleringslova). Reguleringar av magasin og overføring av vatn som gir ei kraftauke utover 500 naturhestekrefter (eller 3000 naturhestekrefter i heile vassdraget) blir handsama etter reglane i reguleringslova. Tilleggsoverføringar eller –reguleringar blir handsama etter reguleringslova utan omsyn til storleik. NVE kan ikkje fatte vedtak etter reguleringslova, men skriv tilråding til Olje- og energidepartementet (OED).

Prosjektet fell ikkje inn under reglane i plan- og bygningslova om konsekvensutgreiing.

Vi viser til våre nettsider for meir informasjon:
www.nve.no/vannkraft-ku.

Handsaming av søknaden fram til endeleg avgjerd

NVE sender saka på høyring til dei kommunane, fylkesmenn, fylkeskommunar, statlege forvaltningsorgan og interesseorganisasjonar som saka vedkjem. Høyringsperioden er minst tre månader. Saka blir kunngjort i lokale aviser, finst tilgjengeleg til gjennomlesing i kommunen og kan lastast ned frå NVE sine nettsider.

Etter høyringsperioden får søkjar høve til å kommentere innkomne fråsegner. Når NVE har motteke desse kommentarane vil NVE i mange saker (avhengig av omfanget av saka) invitere til ei synfaring i samarbeid med søkjar. Kommunen, fylkeskommunen, Fylkesmannen og andre partar som saka vedkjem vil få høve til å delta. Under synfaringa er det mogleg å utdjupe aktuelle problemstillingar og å peike på forhold som er teken opp i høyringsrunden.

NVE vil deretter gi si tilråding i saka til OED. Ved ei totalvurdering står NVE fritt til å vurdere om konsesjon skal tilrådest og i kva utstrekning. Søknaden og innkomne fråsegner er viktige grunnlag for denne vurderinga.

Dersom NVE tilrår å gi konsesjon, vil forslag til konsesjonsvilkår og ev. manøvreringsreglement vere lagt ved innstillinga til OED. Vilkåra inneheld reglar om m.a. konsesjonstid, revisjon av vilkår, konsesjonsavgifter til staten og kommunar, konsesjonskraft, godkjenning av detaljplanar for utbygginga, tersklar, erosjon, naturforvaltning,

forureining, kulturminne og sanksjonsreglar ved ev. brot på vilkåra. Ein viktig del av vilkåra er manøvreringsreglementet som gir rammene for konsesjonen, med m.a. reglar for vasslepping og reguleringshøgder.

Departementet sender NVE si tilråding ut på ei avgrensa høyring til dei kommunar og departement som saka vedkjem. Deretter fremjar OED saka for regjeringa som fattar endeleg vedtak.

Dersom det er søkt om løyve etter energilova for elektriske anlegg i kraftverk/høgspenningsanlegg, vil NVE gi nødvendige konsesjonar etter at reguleringslovsaka er endeleg avgjort.

Kva forventast av høyringsinstansane?

Formålet med høyringa er å få synspunkt på dei framlagde planane og alternativa som er presentert, vurdert etter konfliktgrad. Det er ønskeleg med grunngitte synspunkt på om planane bør gjennomførast, ev. val av alternativ eller avgrensingar i planane. NVE ønskjer også grunngitte forslag til avbøtande tiltak som kan redusere skadane ved gjennomføring av planane.

NVE ventar at kommunen spesielt omtalar tilhøve knytt til kommuneplanen. I tillegg bør kommunen gi ei oversiktleg framstilling av forholdet mellom den omsøkte planen og dei lokale interessene. Dersom søknaden også gjeld løyve til elektriske anlegg, ber vi kommunen uttale seg om dette.

Faginstansar som Fylkesmannen og fylkeskommunen har eit særleg ansvar for å vurdere søknaden i forhold til sine respektive ansvarsområde. Vassregionmyndigheita skal vurdere om dei meiner tiltaket bør vurderast etter vassforskrifta § 12 eller ikkje.

Om mogleg ønskjer vi at fråsegner sendast elektronisk, gjerne direkte via våre nettsider, www.nve.no/vannkraft.

Rett til motsegn

Kommunar, fylkeskommunar, Sametinget og statlege fagetatar kan fremje motsegn. Ei eventuell motsegn må fremjast i høyringsperioden. Vi viser til Rettleiar 3/2010 s. 17 for nærmare informasjon om dette (se www.nve.no/vannkraft-ku).